

रिष्टात्तद्विश्वादेवान्प्राजनयत्ता वै समानप्रभृतयः समानोदर्का नाना मध्यतस्ता
यत्समानप्रभृतयः समानोदर्काः समानीभिर्हि देवताभिः पुरस्ताच्चोपरिष्टाच्च सयु-
ग्भूत्वा प्राजनयद्य यन्नाना मध्यतोऽन्या-अन्या हि प्रजा मध्यतः प्राजनयत् ॥ १ ॥
ब्राह्मणम् ॥ ६ [२. २.] ॥ ॥

अथ प्राणभृत उपदधाति । एतद्वै देवा अब्रुवंश्चेतयधमिति चितिमिहतेति वा-
व तदब्रुवंस्ते चेतयमाना वायुमेव चितिमपश्यंस्तामस्मिन्नदधुस्तथैवास्मिन्नयमेतद-
धाति ॥ १ ॥ प्राणभृत उपदधाति । प्राणो वै वायुर्वायुमेवास्मिन्नेतदधाति रेतःसि-
चोर्वेलयेमे वै रेतःसिचावनयोस्तद्वायुं दधाति तस्मादनयोर्वायुः सर्वत उपदधाति
सर्वतस्तद्वायुं दधाति तस्मात्सर्वतो वायुः सर्वतः समीचीः सर्वतस्तत्सम्यञ्च वायुं
दधाति तस्मात्सर्वतः सम्यङ्भूत्वा सर्वाभ्यो दिग्भ्यो वाति दिश्या अनूपदधाति दि-
क्षु तद्वायुं दधाति तस्मात्सर्वासु दिक्षु वायुः ॥ २ ॥ यद्वै प्राणभृत उपदधाति ।
आस्वेवैतत्प्रजासु प्राणान्दधाति ता अनन्तर्हिता वैश्वदेवीभ्य उपदधात्यनन्तर्हितां-
स्तत्प्रजाभ्यः प्राणान्दधाति प्राणं मे पाक्ष्यपानं मे पाहि व्यानं मे पाहि चक्षुर्म
ऽउर्व्या विभाहि श्रोत्रं मे श्लोकयेत्येतानेवास्वेतत्कृत्वा प्राणान्दधाति ॥ ३ ॥ अथा-
पस्या उपदधाति । एतद्वै देवा अब्रुवंश्चेतयधमिति चितिमिहतेति वाव तदब्रुवंस्ते
चेतयमाना वृष्टिमेव चितिमपश्यंस्तामस्मिन्नदधुस्तथैवास्मिन्नयमेतदधाति ॥ ४ ॥ अ-
पस्या उपदधाति । आपो वै वृष्टिर्वृष्टिमेवास्मिन्नेतदधाति रेतःसिचोर्वेलयेमे वै
रेतःसिचावनयोस्तद्वृष्टिं दधाति तस्मादनयोर्वर्षति सर्वत उपदधाति सर्वतस्तद्वृ-
ष्टिं दधाति तस्मात्सर्वतो वर्षति सर्वतः समीचीः सर्वतस्तत्समीचीं वृष्टिं दधाति
तस्मात्सर्वतः सम्यङ्भूत्वा सर्वाभ्यो दिग्भ्यो वर्षति वायव्या अनूपदधाति वायौ
तद्वृष्टिं दधाति तस्माद्यां दिशं वायुरिति तां दिशं वृष्टिरुन्वेति ॥ ५ ॥ यद्वै आपस्या
उपदधाति । एष्वेवैतत्प्राणेष्वपो दधाति ता अनन्तर्हिताः प्राणभृद्भ्य उपदधात्यन-